

Evening Dogri (NSD) Bulletin

27-06-2025

आकाशवाणी

खबरां

- भारत नै स्थापित प्रणाली गी मजबूत करियै ते विश्वास दी कमी गी बहाल करियै चीन कन्नै बन्ने पर सीमांकन दे स्थाई समाधान दी गल्ल कीती।
- भारत नै शंघाई सहयोग संगठन दे रक्षा दस्तावेज च आतंकवाद दा जिक्र नेई करने पर हस्ताक्षर करने थमां कीता इंकार।
- भलेआं लौहके, लौहके ते दरम्याने दर्जे दे उद्योग भारती अर्थ बवस्था दी रीड दी हड्डी, टिकाउ ते समावेशी विकास आस्तै महत्वपूर्ण, आखेआ राष्ट्रपति मुर्मू होरें।
- भगवान जगन्नाथ, भगवान बलभद्र ते देवी सुभद्रा हुंदी विश्व प्रसिद्ध सालाना रथ जात्तरा पूरी च होई शुरू।
- भारत 2029 विश्व पुलस ते अग्नि खेड्डें दी मेजबानी अहमदाबाद च करोग।
- पूरे देश च अगले 3-4 दिनें च मानसून छाई जाग, मौसम विभाग नै सौराश्ट्र ते कच्छ च अज्ज खरी मती बरखा पौने दी कीती पेशनगोई।

<><><><><><>

SCO-Def. Minister

भारत नै चीन कन्नै बन्ने पर हदबंदी गी लेइयै स्थाई समाधान होने पर जोर पाया ऐ जेदे आस्तै स्थापित तंत्र गी मजबूती देइयै ते आपसी विश्वास च आए दे फासले गी भरना लोडचदा ऐ जेडा गै 2020 दे मगरा बन्ने गी लेइयै दवें देशें बश्कार आई गोआ हा। नमीं दिल्ली नै बी भारत चीन सीमा पर शांति ते अमन कायम रखने दी जरूरत पर लो पाई ते मुद्दें गी खास तैयार कीते गेदे रोडमैप जरिए सुलझाया जा। रक्षामंत्री राजनाथ सिंह होरें अपने चीनी सहयोगी एडमिरल Dong Jun हुंदे कन्नै

शंघाई सहयोग संगठन दे बाहर दपक्खी बैठक कीती। सिंह होरें दवें देशें बश्कार रिश्ते सामान्य करने आस्तै कीते जा रदे कम्में दा जिक्र कीता। रक्षा मंत्री होरें Dong Jun होरें गी हालिया दे पहलगाम आतंकी हमले बारै जानकारी दिती ते दस्सेआ जे भारत बक्खिया चलाये गेदे आपरेशन सिंदूर दा लक्ष्य पाकिस्तान च आतंकवादिणं दे ठिकानें गी नष्ट करना हा।

<><><><><><>

Jaishankar-SCO

विदेश मंत्री डॉ. एस जयशंकर होरें आखेआ ऐ जे भारत नै शंघाई सहयोग संगठन दी रक्षा मंत्रिणं दी बैठक च संयुक्त दस्तावेज पर हस्ताक्षर नेई कीते जे इक राष्ट्र आतंकवाद दा जिक्र नेई चाहंदा हा। नमी दिल्ली दिल्ली च संवाददाताणं कन्नै बोलदे होई डॉ. जयशंकर होरें आखेआ जे एससीओ दा गठन आतंकवाद कन्नै लड़ने दे मकसद कन्नै होआ हा। उनें आखेआ जे रक्षा मंत्री राजनाथ सिंह होरें साफ-साफ आक्खी दिता ऐ जे अगर संयुक्त दस्तावेज च आतंकवाद दा जिक्र नेई होग ते भारत हस्ताक्षर नेई करोग।

<><><><><><>

Jaishankar-Iran

विदेश मंत्री डॉ. एस जयशंकर होरें ईरान दे विदेश मंत्री सैयद अब्बास अरागची हुंदे कन्नै ईरान दे मौजूदा हालातें गी लेइयै गल्लबात कीती। इक सोशल मीडिया पोस्ट च डॉ. जयशंकर होरें आखेआ जे ओहू ईरान दे नजरिए आस्तै उंदी प्रशंसा करदे ना। उनें ईरान दे विदेश मंत्री दा भारी नागरिकें दी सुरक्षित वापसी आस्तै धन्नवाद कीता।

<><><><><><>

India-Russia-S 400

भारत नै एस-400 प्रणालिणं, एस.यू-30 एम.के.आई अपग्रेड्स ते बेहद जरूरी मिलिटरी हार्डवेयर दी तौले गै आपूर्ति करने आस्तै रूस कन्नै चर्चा कीती। रक्षा मंत्री राजनाथ सिंह होरें रूसी सहयोगी एंट्रे बेलोसर हुंदे कन्नै शंघाई सहयोग संगठन दे बाहरले, इक दपक्खी बैठक लाई। दवें मंत्रिणं बश्कार मौजूदा भू-राजनीतिक हालातें, बन्ने पारा आतंकवाद, भारत-रूसी रक्षा सहयोग बदाने बरौ तफसीली चर्चा होई। बैठक दौरान रूस दे रक्षा मंत्री होरें लम्में चिरै दे भारत-रूस दे दोस्ताना रिश्तें दा जिक्र कीता ते पहलगाम जनेय कायराना हमलें पर भारत दे धेइयै दा साथ दित्ता। स्हाडे संवाददाता नै दस्सेआ ऐ जे आपरेशन सिंदूर दे पछौक्कडै च एहू दवें नेताणं बश्कार होई दी इक महत्वपूर्ण बैठक ही।

<><><><><><>

PM-Kutchi

प्रधानमंत्री मोदी होरें सारे कुच्ची समुदाय गी कुच्ची नमे साल अषाडी बिज दे मौके पर मुबारकबाद दित्ती ऐ। इक सोशल मीडिया पोस्ट च मोदी होरें कुच्च पराणं ते बहने गी शुभकामनां दित्तियां ते खुशहाली, शांति, नरोई सेहत दी कामना कीती।

<><><><><><>

Prez. MSME

राश्ट्रपति द्रोपदी मुर्मू होरें आखेआ ऐ जे भलेआं लौहके, लौहके ते दरम्याने दर्जे दे उद्योग देश दे टिकाउ आर्थिक विकास लेई जरूरी न ते देश दी अर्थ बवस्था आसतै मजबूत स्तम्भ न। नमी दिल्ली च अज्ज भलोआं लौहके, लौहके ते दरम्याने दर्जे दे उद्योग सरबंधत अंतरराश्ट्री ध्याडे दे मौके अपने संबोधन च राश्ट्रपति होरें आखेआ जे एम.एस.एम.ई क्षेत्र देश दे विकास च अहम भूमिका निभा'रदा ऐ। उनें लोऽ पाई जे एहू क्षेत्र देश दे सकल घरेलू उत्पाद च 30 फीसदी दा योगदान देआ'रदा ऐ जेदे च 36 फीसदी उत्पादन च ते 45 फीसदी निर्यात च ऐ।

<><><><><><>

Puri-Rath Yatra

पूरी दुनिया च मशहूर भगवान जगन्नाथ, भगवान बलभद्र ते देवी सुभद्रा हुंदी रथ जात्तरा अज्ज उडीसा दे पूरी च शुरू होई। पूरी दी पवित्र नगरी च आध्यात्म दा सैलाब दिक्खने गी लब्बा ते यात्रा पूरी श्रद्धा ते शानदार तरीके कन्नै शुरू होई। भारत दी बक्ख-बक्ख थाहरें ते विदेश थमां आए दे ज्हारां बदे श्रद्धालुएं इस पावन अवसर च शामिल होइयै पुण्य कमाया। इस धार्मिक रि जात्तरा च जगन्नाथ मंदर थमां भगवान दी प्रतिमाएं गी भव्य रथ पर पुजारिएं तरफा लेआंदा जंदा ऐ। पहाड़ी बिजय यानि भगवान जगन्नाथ, भगवान बलभद्र ते देवी सुभद्रा हुंदी रस्मी जात्तरा अज्ज बहुलै पूरी धार्मिक श्रद्धा ते उत्साह कन्नै कड़ी गई। राष्ट्रपति द्रौपदी मुर्मू होरें देशवासिएं गी पवित्र रथ जात्तरा दे मौके शुभकामनां दित्तियां न। प्रधानमंत्री नरेंद्र मोदी होरें बी इस खास मौके सारें गी मुबारकबाद दित्ती। इक सोशल मीडिया पोस्ट च प्रधानमंत्री होरें मेद जताई ऐ जे श्रद्धा ते समर्पण दा एहू त्यौहार सारें आस्तै खुशहाली, अच्छी किस्मत ते अच्छी सेहत लेआग।



Rath-Yatra

दुनिया भरै च मशहूर उडीसा दे पूरी दी भगवान जगन्नाथ जी हुंदी सलाना रथ जात्तरा अज्ज शुरू होने दे कन्नै गै जम्मू च बी धार्मिक उत्साह कन्नै जात्तरा दे उपलक्ष्य गी मनाया गेआ ते इस मौके पर रथ जात्तरा बी कड़ी गई। सांबा च बी श्रद्धालु श्री जगन्नाथ भगवान हुंदी शानदार रथ जात्तरा च शामिल होए। धार्मिक जुलुस बुडवानी दे श्री जगन्नाथ मंदर थमां शुरू होआ ते सांबा दे बक्ख-बक्ख बजारें च होइयै व्यारा मंदर दे परिसर च खत्म होआ।



Delhi-CM

दिल्ली दी मुख्मन्त्री रेखा गुप्ता होरें अज्ज राष्ट्रीय राजधानी च 100 अलैक्ट्रिक बसें गी झंडी दस्सी। मीडिया कन्नै मुखातिब होंदे होई मुख्मन्त्री होरें आखेआ जे एहू 100 बसां नमी दिल्ली दे 9 रूटें पर

चलडन। उनें आखेआ जे सरकार दा धेइया पब्लिक ट्रांसपोर्ट प्रणाली गी बिजली मोड पर आहनना, यातायात दे साधनें दा विकास करना ते आम जनता दी मुश्कले गी घट्ट करना ऐ।

<><><><><><>

Japan-Condemns

जपान नै अमरीका दे राष्ट्रपति डोनाल्ड ट्रम्प हुंदी हाल च गै उंदी तरफा कीते गेदे ईरान पर ब्हाई हमले दी तुलना हिरोशिमा नागासाकी पर एटम बम्ब हमले कन्नै करने पर निंदा कीती ऐ। इक एटम बम्ब हमले कन्नै गै विश्व युद्ध द्वितीय खत्म होई गेआ हा। 1945 च जिस्सलै अमरीका नै 2 जपान दे शहरें पर एटम बम्ब सुट्टे हे, उस्सलै तकरीबन 1 लक्ख 40 ज्हार लोक मारे गे हे। नागासाकी दे मेयर शिरो सुजुकी होरें आखेआ जे ट्रम्प दे बयान अफसोस लायक न ते न्यूक्लियर थेआरें दे इस्तेमाल दे हिमायती लगदे ना। उस हमले च बचे दे किश लोके ट्रम्प दी टिप्पणी गी ऐतराजयोग दस्सेआ। उनें कल हिरोशिमा च विरोध प्रदर्शन कीता ते कन्नै मंग कीती जे ट्रम्प अपने अल्फाज वापस लवै।

<><><><><><>

Pak-Polio

पाकिस्तान च अज्ज साल दा पोलियो दा 13मां मामला दर्ज कीता गेआ। इस्लामाबाद च पोलियो दे खात्मे आस्तै क्षेत्री प्रयोगशाला नै 18 म्हीने दी बच्ची च वायरस दा पता लाया ऐ। एह बच्ची दक्खन खैबर पख्तूनख्वा दी ऐ। इस प्रांत थमां पोलियो दा एह 7मां मामला ऐ। 4 मामले सिंध थमां, 1-1 मामला पंजाब ते गिलगित बाल्तिस्तान थमां सामने आया हा। दुनिया च पाकिस्तान ते अफगानिस्तान सिर्फ 2 ऐसे मुख बचे देन जित्थे अजे बी पोलियो वायरस एंटामिक ऐ यानि इक खास थाहर पाया जंदा ऐ।

<><><><><><>

My Bharat

युवा मामले ते खेड्डु मंत्रालय नै वट्सऐप गी माई भारत पोर्टल कन्नै जोड़ी दिता ऐ तां जे नौजवानें आस्तै मौजूदा सेवाएं तोड़ी उंदी पुज्ज डिजिटल राएं बदाई जाई सकै। वट्सऐप चैट बाक्स माई भारत पोर्टल पर हुन लाइव ऐ ते वट्सऐप नंबर 7289001515 जरिए बी एहदे तोड़ी पुज्जेआ जाई सकदा ऐ। माई भारत उपभोक्ताएं गी स्वयंसेवी मौके, सी.बी बाने, संगठन कन्नै जुड़ने, कुसा मसले दी जानकारी देने ते अनुभावनात्मक सिखलाई कार्यक्रमें कन्नै जुड़ने दे मौके थ्होडन। माई भारत सेवाएं तोड़ी इस राएं पुज्ज आसान होई जाग ते आवेदन दी ट्रैकिंग अपडेट्स दी सुविधा बी उपलब्ध ऐ।

<><><><><><>

NCW-Kolkata

राश्ट्री महिला आयोग नै दक्खन कोलकाता च इक घटना दा स्वयं संज्ञान लैता जित्थे इक लॉ छात्रा कन्नै कथित रूप कन्नै गैंग रेप कालेज परिसर च होने दा मामला सामने आया ऐ। आयोग नै कोलकाता दे पुलस कमिशनर गी लिखिए घटना पर गहरी चिंता जाहिर कीती ऐ ते 3 दिनें दे अंदर कीती गेदी कार्रवाई दी तफसीली रिपोर्ट मंगी ऐ।

<><><><><><>

Shah-World Police Games

केंद्री गृह मंत्री अमित शाह होरें 2029 विश्व पुलस ते अग्नि खेड्डुं ताई भारत गी मेजबान देश चुने जाने पर खुशी जाहिर कीती ऐ। इक सोशल मीडिया पोस्ट च शाह होरें आखेआ जे एह हर इक भारती नागरिक आस्तै फख्र दी गल्ल ऐ। उनें आखेआ जे मेजबानी थ्होना भारत दे विकसित ते बदा'रदे खेड्डु सरबन्धी ढांचे दी वैश्विक पंछान गी उजागर करदा ऐ। गृह मंत्री होरें जोड़ेआ जे इनें खेड्डुं आस्तै थाहर दे तौर पर अहमदाबाद गी चुनेआ गेआ ऐ जेदे कन्नै पुलस, अग्निशमक ते आपदा सेवां इकट्टे होइयै 50 शा मती खेड्डुं च मुकाबले दा हिस्सा बनडन।

<><><><><><>

Amarnath Yatra (byte)

श्री अमरनाथ जी दी सलाना जात्तरा अगले हफ्ते थमां शुरु होआ करदी ऐ। जम्मू थमां श्रद्धालुएं दे पैहले जत्थे गी 2 जुलाई गी कश्मीर घाटी लेई रवाना कीता जाहगा। जम्मू दे डिवीजनल कमिशनर रमेश कुमार होरें इस गल्लै दी तसदीक कीती ऐ जे जात्तरा गी सुरक्षित ते बवस्थित ढंगै सिर करोआने लेई सब्भै बंदोबस्त करी कीते जा रदे ना। लेफ्टिनेंट गवर्नर मनोज सिन्हा, भगवती नगर आहले आधारित शिविर थमां 2 जुलाई गी श्रद्धालुएं दे जत्थे गी घाटी लेई रवाना करडन्ना। 52एं दिनें दी श्री अमरनाथ जी दी जात्तरा, ऐगती 3 जुलाई थमां शुरु होआ करदी ऐ ते एहू 9 अगस्त गी रक्खडपुन्नेआ आहले दिन संपन्न होई जाहगा।

<><><><><><>

Udh Operation (Byte)

उधमपुर जिले दे बसंतगढ इलाके च मजूद जैशे मोहम्मद गुट दे 3 पाकिस्तानी आतंकवादिएं दे सफाये लेई सुरक्षाबलें आसेआ बड्डे स्तरै पर तपाशी अभियान चलाया जा'रदा ऐ। फौज ते पुलस आसेआ सांझे तौर पर चलाया गेदा अभियान अज्ज बड्डुलै फही शुरु करी दित्ता गेआ। आतंकवादिएं दा पता लाने लेई ड्रोन ते खोजी कुत्तें दी मदाद बी लैती जा'रदी ऐ। साढे जिला संवाददाता मूजब, कल टाक्करे दरान मारे गेदे इक आतंकवादी दी शिनाख्त पाकिस्तान दे बसनीक हैदर उर्फ मौलवी दे तौर पर कीती गई ऐ।

<><><><><><>

Div Com IGP Pilgrimage

जम्मू दे डिवीजनल कमिशनर रमेश कुमार ते आईजीपी भीम सेन टूटी होरें जम्मू संभाग दे बक्ख-बक्ख जिलें थमां चलने आहली लौहकी-बड्डी धार्मिक जात्तराएं गी सुरक्षित ते बवस्थित ढंगै सिर करोआने लेई कीते गेदे बंदोबस्तें दा अज्ज जायजा लैता। इ'नें दौनें आला अधिकारिएं, सुरक्षा सरबंधी

हीलें, भीड़ दे प्रबंधन ते मेडिकल सुविधाएं दी समीक्षा कीती। धार्मिक जात्तराएं दरान कानून बवस्था बनाई रक्खने लेई पुलस ते प्रशासन आसेआ आपसी तालमेल कन्नै सारी तैयारिएं गी जकीनी बनाने पर ध्यान केन्द्रित कीता जारदा ऐ।

<><><><><><>

PIB Media Workshop (byte)

किश्तवाड़ दे डीसी दफ्तरै च अज्ज ग्रामीण मीडिया कार्यशाला दा सरिस्ता कीता गेआ। खरी मती गिनतरी च मीडिया कर्मिएं इस कार्यक्रमै च हिस्सा लैता। पीआईबी जम्मू दिएं डरैक्टर नेहा जलाली, डिप्टी कमिशनर पंकज शर्मा ते एडीसी पवन कोतवाल होर बी इस मौके पर उत्थे मजूद हे।

<><><><><><>

Weather

भारत मौसम विभाग नै मेद दस्सी ऐ जे मानसून अगले 2-3 दिनें च पूरे देश च आई जाग। विभाग नै अज्ज सौराश्ट्र ते कच्छ च खरी मती बरखा दी पेशनगोई कीती ऐ। आकाशवाणी समाचार गी मौसम विभाग दे साइंसदान नरेश कुमार होरें दस्सेआ जे अज्ज देश दे पच्छमी हिस्सें च खरी मती बरखा पई सकदी ऐ।

<><><><><><>

NIA-Court

हाल च गै पहलगाम आतंकवादी हमले दे मामले च जुडे दे आतंकवादियें गी कथित तौरा पर पनाह देने दे आरोप च गिरफ्तार कीते गेदे परवेज अहमद ते बशीर अहमद गी उंदी रिमांड बदाने दी गुजारश करने आस्तै अज्ज जम्मू च एन.आई.ए मामले दी विशेष अदालत दे अगगे पेश कीता गेआ, कीजे एन.आई.ए दे तैहत उंदी पिछली पंज दिनें दी रिमांड अज्ज खत्म होई गई ही। एह जानकारी स्हाडे जिला संवाददाता अंकुश शर्मा होरें दिती ऐ।

<><><><><><>